


乾隆安殿本

萬國來朝

乾隆安殿本

萬國來朝

文化藝術出版社
Culture and Art Publishing House



萬國來朝

扮八雲童四值殿二宮女擁玉皇香案吏帶

領虞廷四岳十二牧塗山執玉諸侯並獻雉

越裳貢獒西旅上唱

朝元令鸞旌鳳旌離却神霄境花程柳程好探

天街信帝里風光

玉皇恩命

白

金殿嵬嵒擁碧霞旌旗爭拂上陽花萬

方共仰冠裳會天馬蒲萄笑漢家吾乃玉皇香

案吏是也恭逢

一人御宇萬國來同九天紀玉帛之祥四海誌梯航
之盛因奉上帝敕旨會集虞廷四岳十二牧塗
山執玉諸侯並周家獻雉越裳貢獒西旅同詣
春臺敬觀盛典侍從們往

帝城去者

唱

今朝同下瑤京日暖煙輕車兒馬兒在

雲外行楊柳御溝新春林啼曉鶯果然是鳳城
風景巍巍奕奕

皇畿早近

皇畿早近

侍從白

已到

帝城了

香案吏白

妙阿萬戶千門祥雲瑞日真個太

和宇宙也

唱

北新水令

麟遊鳳舞太平年錦乾坤金甌永奠

車書歸一統禮樂彙三千

侍從白

請上春臺

香

案吏引衆登臺唱

俺這裡遙覲

龍顏有多少獻共球慶朝典

白

閭闔雲開萬國衣冠

齊向

帝城來也

扮朝鮮安南日本琉球紅毛賀蘭諸國王各
照本國服式上唱

南步步嬌繞龍鱗曾向朝班點沐浴恩波徧拜

手慶朝元共仰堯天齊來禹甸

各通名介合白

我等履海外之山川奉

天朝之正朔今當慶元大典特進萬年賀表已將貢

物交納天庫且向會同館伺候去唱風裊御壚
煙辨葵忱同向鵷行站下香案吏白妙哉真乃

聖朝盛典也唱

北折桂令想羣侯刻玉分藩各守封疆同阻山
川因甚價虎節龍符宿水餐風航海梯山都則
為拱

皇圖恩流海甸因此上秉桓圭喜近

天顏風暖瓊筵日射花磚好沾取湛露恩濃早把箇

魚藻歌傳

扮波斯國帶領八蠻衆推車載各種寶物上
合唱

南江兒水為仰蓬萊闕輕離木葉山今朝幸把
金城盼步鵷班莫笑蠻韉健載鸞車共喜驪珠
現白自家波斯國王是也今當慶元大典相約
衆蠻王向

天朝獻寶去合唱

遙望芙蓉宮殿虎拜鳬趨報道

九重恩湛

下香案吏白

妙阿

唱

北雁兒落帶得勝令才則見肅冠裳款帝闕又
則見搖劍珮趨朝殿賣弄他織蠻衣錦繡襴排
列着薄笨車珊瑚案呀似這般映春風翡翠班
照夜月明珠券抵多少象貝傳南海勝如他明
駝載木難歡然記曾向碧霄宮承

天眷今番爭擁着獻奇珍赤玉盤爭擁着獻奇珍赤
玉盤

扮西洋國王帶領諸從人捧寶策馬急上唱

南僥僥令趨朝休俟駕策馬敢停鞭

跌介衆扶

介白

自家西洋國王是也今當慶元大典多少

國王進京朝賀去了俺脩下萬年鐘一架百寶如意屏一座還有許多奇珍異玩趕着慶元大典貢獻

天朝恐悞了時刻因此飛騎而來

合唱

看萬國衣冠

齊來會好趣着一朵紅雲覲

聖顏

急下香案吏唱

北收江南呀似這般近

龍光歡笑呵休猜做紅塵一騎到長安都則為雕龍
刻鵠得來難因急把飛鳶妙技貢

金鑾為

天家慶元列圖球在筵再休題玉環寶鼎漢廷傳

扮雕題鑿齒穿胸大耳諸國王上唱

南園林好阻京華雲程萬千被

皇風恩波萬年錦中原此生真見白俺等雕題鑿齒

穿胸大耳諸國王是也僻處荒陬未通聲教今

當

聖天子慶元之日相約航海而來

雕題鑿齒白

只是

俺等地處不毛將何物貢獻纔好

穿胸大耳白

聖王不貴異物俺們獻着一點誠心諒

聖天子定然嘉納哩

雕題鑿齒白

是阿會同館諸王

盡到俺們快快擠上前去

合唱

爭拜舞

御階前爭拜舞

御階前

下香案吏白

你看執玉千家秉珪萬國依稀

輯瑞之年不減塗山之會貢葵獻雉不足言矣

合唱

北沽美酒帶太平令奉鸞書下九天奉鸞書下

九天欣逢着建寅年恁看瑞日祥雲繞帝闕擁

堯樽動舜絃艷晶晶龍樓虎觀翠生生金鑪香

案開紛紛仙珂寶劍喜孜孜汾歌鎬宴

齊拜唱

俺呵遙覷着花前柳前拜螭頭萬千呀真個是
聽嵩呼四方歡忭

南尾 趁仙風下的春臺畔見萬國琛球同獻但
願得錦繡江山億萬年